

- 1' Ere vatter vnd müter all zytt
- 2' Do mitt dir gott lang leben gytt
- 3' Vnd würdst gesetzt jn schanden nitt

Kap. 90



Ere vatter vnd mutter

- 1 Der ist eyn narr der kynden gytt
- 2 Do er syn zyt solt leben mitt
- 3 Verlossen sich vff gütten won
- 4 Das jnn / syn kynd nitt sollen lon

- 5 Vnd jm ouch helffen jnn der not /
 6 Dem wünst man allen tag den dot
 7 Vnd würt gar bald eyn über last
 8 Den kynden syn eyn vnwerd gast
 9 Doch jm geschicht wol halber recht
 10 Worlich ist er an witzen schlächt
 11 Das er mit worten jm loßt klusen
 12 Des soll man jm mit kolben lusen
 13 Doch lebt der selb nit lang vff erdt
 14 Wem vatter / müter sint vnwerdt /
 15 Jnn mit der vinster / lescht des lyecht
 16 Wer vatter / vnd müter ert nycht
 17 An sym vatter bschuldt Absolon
 18 Das jnn solt vnglück jung an gon
 19 Des glichen wart verflüchet Cham
 20 Do er entblößt syns vatters scham /
 21 Balthasar hatt nit vil glück
 22 Das er syn vatter hüw jnn stück /
 23 Sennacherib von syn sūnen starb
 24 Jr keyner doch das rich erwarb
 25 Thobias gab sym sūn die ler
 26 Er solt syn müter han jn ere
 27 Dar vmb stünd künig Salomon
 28 Synr müter vff / von synem tron
 29 Als Corylaus ouch hat gthon
 30 Die sūn Rechab / lobt selber gott
 31 Das sie hieltnen jrs vatters gbott
 32 Wer leben will spricht gott der herr
 33 Der būt vatter / vnd mütter ere
 34 So würt er alt / vnd richen sere
-

8 syn *GW5041 GW5046*] fy *GW5047* **21** Balthasar *GW5046 GW5047*] Balthesar *GW5041*
33 ere *GW5041 GW5046*] er *GW5047* **34** sere *GW5041 GW5046*] fer *GW5047*